Universal Declaration of Human Rights - Aja

© 1996 - 2009 The Office of the High Commissioner for Human Rights

This HTML version prepared by the *UDHR* in *Unicode* project, http://www.unicode.org/udhr.

EJUKONWO GBEFANĐEĐE SOSO ACE AGBETOTOWO NÚ

ENYOFONU

Sosó egbexoxo do amenyinyi to alokpa dekpo kpwime kodo enusoso ci wò yi dogù wawa do eseji ko fàfà le ègbèmè,

Sosó edemaso le agbeto yoyo be agbeto mɛ ci yi don kanlinnuwawa va egbɛmɛ, yi agbeto fon egu, yi shinxomɛ, ehonwo yi do yi ejukonwo dé egbefan be agbetowo le vo a xonuxonu, a vo a xose, a gbédon a gu aya le eko,

Sosó agbewoxε kpokpo do ese ji o, e le vevide be wo de do a ʒin amɛji; no de nyi nεnε ο, agbeto a va so ezo ta, a so nyidon le akon, a fongu do eganwuamε kodo amεtafudotowo ji,

Sosó nusendodo no dekawawa ko exlododo a yi nuko le ejukonwo gblame,

Sosó enyo ciwo yi le esewemamɛ wowo ejukon ciwo yi do ĐEKAWAWAGBE gbé degbefan yi nu be yewo kando agbeto cɛwo ji, le amɛnyinyi ko eyi wanawomɛ, lé ŋusuwo kodo nyonuwotasowɛmɛ, yi yewo so egbe do eju no nonomɛ, ŋukoyiyi, no agbemɛnono a nyo no amɛ kpu, no agbeto a kpo vovo a wa enu ci yi drwi,

Sɔsó ejuwo kodo wowo kplekplegbε gbesosomε, nɔ wo a sɔ na bubu agbetɔ, a mi dàdà le eyi cɛwo ji nɔ agbetɔ a vo fàfà,

Sosó dandandanmε ο, gbohwe agbe towo a wa do egbèfan lo ji ο, wo do a dó susu dekε do acε kodo vovokpokpo lo wo ji.

EYITAĐO

BOBOGAN DE EGBEFAN CE soso ace agbetotowo nu;

Egbefandede cε yi nyi ejukonwo, plenu do, yi wo a wa no, yi amɛshyamɛ kodo wowo bobowo a do no enukuvi, a tekpo, soto enukplankplan ko enununyanya gomɛ, a tekpo no amɛbubu ko vovokpokpo a yi amɛshyamɛ kodo wowo bobowo a do no enukuvi, a tekpo, soto enu kplankplan ko enununyanya gomɛ, a tekpo no amɛbubu ko vovokpokpo a yi nuko kenu no, le blɛwublɛwumɛ o, edo lowo a nyi wawa le ejukplekple lowo mɛ, no wo a zan wo nyononwito le amɛ ciwo yi do kple kplegbɛ lowo xwe kodo amɛ ciwo yi wo so do alomɛ no wo nó wo a kpa acɛ no wo.

Akpa 1

Agbetowo plenu vano gbeme ko vovodeka gbeswegbeswe, soto amenyinyi ko acewo gome; wo xono susunywin ko jimenywi so esexwe. Wo do a we novi dada wowo nonowo gbo.

Akpa 2

Amεqekpokpwi do a kpɔ nyɔna le acɛ ko vovo ciwo yi le egbe fandede cɛ lɔ mɛ. Amεde de do egbe a mɔ akɔ, gbaza, ŋusukonyɔnunyinyimɛ, egbe, sɛ̀nsɛ̀n, politikinyɔ alo enyɔbudewo ci yi kan agbetɔ, dɔkun, jijixwe alo enyɔ alɔkpabude yi a na yi agbetɔ da kpɔ nɛnɛhan nyɔna.

Só zeto yɛnu ɔ, wo de do egbe a zɔndo politikise alo jejeshi le xixemɛ nɔ eju amɛdeétɔ nu a de eju lɔ do akpo. Nɔ eju cimɛ amɛlo so xɔ ablɔde can e le ejubuugɔnmɛ can, de le yidekishi can alo de do egbe a zan yideki le ci e drwi nɛnɛ can ɔ wo de do egbe a didoakpo.

Akpa 3

Amædekpokpwi do no agbenono le vovokpokpo ko kandoji amænutoto mæ.

Akpa 4

Amεde de do egbe a so ehalo wa ahwashi alo kannumo; agbeto a so wa ahwashi alo kannumo le alodekpo kpwinu nyi ese.

Akpa 5

Wo de do a de efun no agbeto, kpo wo da do aya no agbeto, a wa xomevevenu, elannu alo enudèagbetokpoto nuwo kodo medekpokpwi.

Akpa 6

Amεdeka do egbe a nya le afidekpokpwi mɔ agbetɔnyinyi yeetɔ do acε kodo ese ciwo wo do a nyi.

Akpa 7

Le ese nuko o, agbetowo plenu nyi enudekε, é le gbeswɛgbeswɛ; wo do egbe no condoji alo nyona esetowo gbeswɛgbeswɛ. Wo plenu do egbe no condoji dekɛnumɛ egacìmɛ yi wo dedeo voklan do enumowɛ a so gban egbefandede cɛ lo kodo wanadekpokpwi ci a na yi wo a gbin.

Akpa 8

Agbetɔdekpokpwi do egbe a je ehwɛ le kojodoxu eyijumɛtɔ ci gbɔ a je ehwɛ le dru nɔ wo gban acɛ alɔmajenu ciwo ese gangan alo ese gbalidekpokpwi ni wo.

Akpa 9

Wo de do egbe ci a le ama gbali gbali enudemawamawa, akpanju sansanto a so do egama alo a do ese a so nyi ti le eyijuma.

Akpa 10

Agbetodekpokpwi do acɛ, le egbe sɔswɛ koŋu mɛ yi enyɔ ci nu ɔ yi e le ɔ, wo a si ni shigbe le wo a se amɛbuwotɔ nɛnɛ, le ahwamɛ le kojodotɔ ciwo ji wo da ʒin, yi wo a nɔ enyɔji, wo da nɔ agbetɔji. Le eganɔmɛ ɔ, kojodotɔlɔ a nu acɛ kodo esekɔnyinyi eyitɔwo ni alo adodwi ci le enyɔ vwin ciyi byɔ etodɔndɔn ciwo yi wo dodo ɔ ni.

Akpa 11

1. No wo do enyovwin ciwo byo etodondon no amɛde o, gboxwe ese a xo mɛloo, kojodotowo do a defyo le ahwamɛ, le esemonu mo nɛnɛhamɛ o, yɛ wa enyovwin ci yi byo etodondon nyawo, madefyo godu o, wo de do egbe a mo mɛlo wa nɛnɛhamɛɛ nu. Le kojo lo doxu o, wo do a tekpo a hwlingan le ese nyikomɛ gboxwe a glo.

2. Wo de do egbe a so ese xo amɛde no enyo alo enumadoeŋi ci yi ese eju lo to alo ese ejuwo pleŋuto de gbe le hwecinu wo wa enu lo. Nɛnɛke o, ese de xo enuvwin ci yi byo etodondon deo, ese hunno yi wo a so xo amɛci yi je ago lo le hwenonunɛ; wo da don eto no amɛlo wugan eto ci ese hwenonuto lo byo.

Akpa 12

Wo de do a so tafutafu a yi je amɛbunyɔmɛ a so xodyi yi ko eyi mɛwo, eyi nuwo nɛnɛke ɔ, ganwuamɛtɔ de de do àcɛ aʒin amɛbu wenawo ji a hlɛn, yi a gbe so gble nyikɔ ni; ese lɔ, gbe nɛnɛ wanawo.

Akpa 13

- 1. Amεde kpokpwi do acε vo, a dyi sa a yi afi ci yi drwi; nεnεke yi e do acε a do nɔxu le eju de kpokpwi mε.
- 2. Amεde kpokpwi do acε a to le eju de kpokpwi mε: e senŋ to le eyi ntɔ jumε a yi kaka a gbe trɔ gbɔ va mɛ fafɛde.

Akpa 14

- 1. No eganwuamεcεkpatowo je egamε no amεde o, no amε lo a so sennu a hwlεn eyi ta o, e dogbe a byo bexu eju de kpokpwi yi eju lo do a xwε fafa de.
- 2. No amede je esenu me nyao o, ace ejukonwo plenuto cide de nagbe be yi le shito a yi eju bu me.

Akpa 15

- 1. Amɛde kpokpwi do a nyí ejudekamɛvi.
- 2. Eganwuamɛcɛkpatɔ de de do acɛ yi a gbe nɔ eyi jumɛtɔ de be yi da gbe nyi yewo jumɛvi; nɛnɛke de do acɛ yi a gbe ni be yi nu gbe sɔ eju bu a trɔ eju hɔn mɛ vi.

Akpa 16

- 1. Le asudede alo nyonudede game ɔ, dekajɛ ko cugbejɛ ciwo yi nyi akɔbunɔwo, ejubujubumɛtɔwo alo sɛnsɛn ebuebu mɛ tɔ wo ɔ, wo sɛnŋ de wo nɔnɔ wo, yi a sɔ egbe do eju a gbaku. Acɛ deka nmɛ yi wo do le enushyanumɛ so dede hwenu kaka va sɔ yi wo dekiwo gbegbe hwenu.
- 2. Amε ciwo yi jiji a de wo nonowo ο, wo vi do a na egbeta dekaŋumε gbohwe eju a nya be wo de wo nonowo nyao.
- 3. Wõ jitowo yi nyi nuklen alo esha ci yi a le nko no wo: neneke yi wo do a nyi kuku le eta no wo ne.

Akpa 17

- 1. Amε deka kpaŋ yɔ a, alo e le egbεbɔbɔmε yɔ ɔ, e do acε do eyi ntɔ nuji.
- 2. Acε de kpokpwi de do a xɔ amεηutɔnu leshi ko akpasɛnsɛn.

Akpa 18

Amsde kpokpwi do acs a vo le enu ci yi druii le eyi tams, ejims ko sènsèn kpaxwe; e sɛnŋu gbé dɔli sènsèn kodo eyi susu lɔ wo, alo a de wo to nɔ eju a jeshi; e sɛnnu like nɔ sɛnsɛn ko susu lɔwo a dɔn amswo bɔ do eyi deki ŋu sɔ to nukɔyiyi le enukplankplan enuwawa, kodo sɛnsɛn alo sɛnsɛnwanawo pleŋu ŋu.

Akpa 19

Agbeto dekpokpwi do acε a vo le eyi susu alo eyi tamɛbubumɛ; e do acε a vo a nu enyo ci yi le susumɛ ni no eju a se; e do acε a ji gonmɛ no enuwo ko enyowo, a to emowo keŋukeŋu ji a drá wo no xìxè kòŋunɛ alo ejuwo kpu a se; enude kpokpwi de do a doŋuklɛn alo vonvon ni.

Akpa 20

- 1. Agbeto dekpokpwi do acε a vo le bobowawa kodo egbε ci yi gbe ahwawawanyowo gbo.
- 2. Wo de do a so eganwuame a so lon ame do ehabobodeme.

Akpa 21

- 1. Amɛde kpokpwi do a sɔ eyi fɔ cute a kpankɔn le eyi ju ŋukɔyiyi wanawo mɛ, alo a nagbe nɔ amɛbu a wɛ.
- 2. So to edowa gome o, amewo plen do a kpo texwe gbeswegbeswe.
- 3. Ejukonwo drodro o, eyi a nyi esha le nuko no ejuwomɛcɛkpakpa. Eyi ji yi wo do a zon no no akodadawo do jojwɛ ji gamɛgamɛ.

Akpa 22

Amedekpokpwi le egbɛmɛ do a vo faa a kpɔ nyɔna sɔso alɔdowomɛ, alɔdo hɔnwo a na yi a kpɔ vivivi le acɛ ciyi kan dɔkunmɔwo, agbetɔ eŋunuyanya ciwo de do a hwedo amɛ, yi a na ŋukɔyiyi nɔ amɛnyinyi le hlɔn hlɔn eju dekadeka ko wowoxlɔwawamɛ. Nɛnɛhamɛ hlɔnhlɔn ko exlɔwawa kan dɔkun eju dekadekatɔ.

Akpa 23

- 1. Amεqe kpokpwi qo a wa edɔ ci yi je kodi le jumε, yi a kpɔ nyɔna ciwo yi le edɔ lɔ wawamε.
- 2. Evototo dekpokpwi de do a no ehocucume no edo dekamuwatowo.
- 3. Edɔfɛncu ɔ, e do a sun edɔwatɔ ko eyi xomuwo, vɔ nɔ da sunɔ, wana bu dewo do a le e jumɛ a sɔ na wo vovo.
- 4. Edowato dekpokpwi degbe a do edowatowobobo ci yi drwi mɛ a sɛn nu a gbe no amɛtafu.

Akpa 24

Edowato dekpokpwi do a dó gbongbon hwenu a so vo, edowagamewo do a nyi dredreme. Le exwekpegbonjwiin eyi towo me o, wo do a cu no efen ni.

Akpa 25

1. Amεde kpokpwi do a do enu ci yi a sɔ kpɔ eyi ko eyi xomuwoji sɔto lanmεsεn, enududu, acɔdɔdɔ, xɔmɛnɔnɔ, dotoxweyiyi ko alɔdoamεjudɔwaxu ciwo a na yi wo a vo; wo do a nɔ godu

- ni le edɔmakpɔwa gamɛ, edɔlehwenu, le ekpoxɔmɛ, nyɔxomɛ, nɛnɛke le enuwanu ciwo yi de so eyiŋutɔ drodro ηu wo hwenu.
- 2. Alodu de do a li no evijitowo ko wo vi. Evi ci yi asu ko ashi ji ji ko ci yi wo ji le gbanji wo ο, wo so enu le ejumε, yi evototo de de do a no wo mε.

Akpa 26

- 1. Amɛde kpokpwi do a yi sukulu a xɔ enunyanya gbaligbali, e glo ka ka can ɔ, a xɔ enunyanya gɔnmɛtɔ dandandan. Alɔnudɔ kplanxu sukulu wo do a ni nɔ amɛ kpu. Sukuluganwo ɔ, wo do a hun wo nɔ amɛ ciwo nununyanya je àbà hɔn mɛ nɔ.
- 2. Sukulu do a na wo a nyanjunu so to agbetobubu gome. E do a na yi wo a nya be enusokeame, exlowawa le ejuwo glame akowo alo sensen wo gblame kodo ejuwokplekplegbe nuwanawo ci wo a na yi vovo a no gbeme, enu honwo o, enu vevi yi wo nyi.
- 3. Kplankplan ciha ηumε yi deviwo a xɔ ɔ, e do a nyi wo jitɔwo nyɔ.

Akpa 27

- 1. Agbetodekpokpwi do a vo a wa emumumunuwo kodo eyitowo, akpo jijole adanudododowo gbo, kenu a no waxu no nukoyiyi soto enudwi kuku gome kodo wanywi ciwo yi a to le me.
- 2. Amɛdekpokpwi ci yi nyi edɔdewatɔ dogbe a hwlɛn wananywi ciwo yi to le eyi nudwikuku gomɛ, eyi danudodowema ko eyi danu gomɛ.

Akpa 28

Amedekpokpwi dogbe a byo be hannyahannya nugbe no ejume, no wo a zon do ace kodo vovokpokpo ciwo yi zé le gbefandede ceme, soso agbetononome gbe soso ejukonwononome.

Akpa 29

- 1. Amɛdekpokpwi do a wa edɔ nɔ eyiju cimɛ yi eyi nɔnɔmɛ alo eyigbetɔnyinyimɛ a to le, le vovokpɔkpɔ kodo nukɔyiyi adodwi gomɛ.
- 2. Le eyicε kodo eyivovokpɔkpɔzanzanmε ɔ, ese dowo yi a gbe enyɔ nɔ amε nɔ wo a sɔ jeshi amɛbucɛwo kodo eyi vovokpɔkpɔwo gbɔhwe a sɔ kpɔ emɔ a dra enu do le wana gomɛ, le hannyahannya ma do dó acɛkpakpamɛ kodo vovo gbaja le eju ci yi ya nɔ eyidekishi.
- 3. Tretregbedi, wo de do egbe a zon acɛ cɛwo kodo vovokpokpo cɛwo to amɛbudewo ciwo de nyi afodoxuwo no ĐEKAWAWAGBE EJUKONWOTO.

Akpa 30

Ejudekpokpwi, ehabɔbɔdekpokpwi, amεdekpokpwi de do egbe a sɔ Egbe fandede cε a sɔ wa enubadade alo a sɔ wa kanlindɔde shigbe a sɔ gbe be agbetɔwo da zan acε ko vovokpɔkpɔ ciwo yi ze le wemacεmε.